

մասին ո՛չ մի խօսք: Դեռ աւելի՛ իր առաջին դրքում — «Նոր տետրակ որ կոչի յորդորակ» — նա բացարձակապէս ժխտում է ազատամբութեան միտքը, համարելով դա քրիստոնեային անվայել մի բան: «Մենք չենք ասում — դրում է նա — որ հայերն ազատամբեն այլադպիսի կամ իրենց կառավարիչները դէմ եւ աչք դնեն նրանց ստացուածքի վրայ եւ կամ վնաս տան նրանց: Քա՛ւ լիցի՛. դա քրիստոնեայի գործ չէ»¹⁾:

Դրա փոխարէն նա առաջարկում է մի շարք կրաւորական (պասսիւ) միջոցներ, ելակէտընդունելով այն գաղափարը, թէ ազատութեան առարկան հանդիսացող հայ ժողովուրդը ինքը չի, որ պիտի ազատագրի իրեն, այլ ուրիշները: Նա, անշուշտ, ի նկատի ունի վրաց Հեւրակ Բ.ին եւ վրացական զօրքը, ուստի եւ հայ ժողովրդի ազատագրութեան գործը ամբողջովին յարմարեցնում է այդ ծրագրին: Հայ ժողովուրդը իր ազատութեան պայքարի մէջ — նրա կարծիքով — պիտի լինի միայն վերջին ջութակահարը եւ իբրեւ այդպիսին, նա պիտի բաւականանայ միայն մի շարք մանր-մուսր պարտականութիւններ կատարելով:

Ահա թէ ինչո՛ւ նրան այդքան հեշտ է թրւում Հայաստանի ազատագրումը:

Այսպէս, նա միամտօրէն կարծում է, որ բաւական է միայն, եթէ հայերն ուղենան ազատ լինել եւ կ'ազատուեն, որովհետեւ դրանով ոչ ոքի մի վնաս չեն տալիս, այլ միայն իրենց արդար իրաւունքներն են ուղում պաշտպանել: Իր միամտութեան մէջ այնքան առաջ է գնում, որ դանդամ է, թէ Հայաստանի տէրերն անգամ — ներկայ դէպքում՝ տաճիկներն ու պարսիկները — դէմ չպիտի լինին հայ ժողովրդի ազատագրման փորձերին, որովհետեւ նա՝ հայ ժողովուրդը ոչ թէ մտածում է ուրիշներից հոգամասեր խլել, այլ ցանկանում է միայն իր հայրենի ժառանգութիւնը, իր սեպհական երկիրը յետ ստանալ եւ ուրիշ ոչինչ: «Իմ այս խորհուրդը — այսինքն՝ Հայաստանի ազատագրումը — թող հակառակ եւ անիրաւ չթուի մեր բռնաւորներին»²⁾ որովհետեւ դրանով մենք

ուղում ենք միայն տէր լինել մեր աշխարհին, թոյլ չտալով, որ մի քայլ ուրիշները երկրներից աւելանայ մեր երկրին կամ մերինից պակասի: Հետեւաբար աշխատելը եւ հայոց սեպհական ժառանգութիւնը յետ ստանալը ոչ միայն անիրաւութիւն չի, այլ արդարութիւն է» (139):

Ուրիշ ազգերի պատմութիւններից նա օրինակներ եւս ունի, որ բաւական է միայն բարի կամք եւ ժողովուրդները կ'ազատագրուեն: Այսպէս, նրան յայտնի է հին Հռոմի պատմութիւնը, որը միմիայն 42 մարդով սկըսելով, տիրեց ամբողջ աշխարհի 3/4-ին եւ բազմաթիւ ժողովուրդների «երջանկութիւն» բերեց: Նա գիտէ, որ Կանդահարի Միր վէլիս իշխանը միայն 12 հազար զօրքով, որի մեծագոյն մասը «բոբիկ եւ ձին առանց թամբի», նուաճեց հսկայ Պարսկաստանը, Սպահանում փակելով պարսկական 80 հազարնոց բանակը: Նրան յայտնի է, որ Բախտրիացի Քէրիմ Սանը չնչին ուժերով մեծ Պարսկաստանը նուաճեց եւ մի նոր անկախութեան հիմքը դրեց: Եւ վերջապէս նա իր օրով տեսնում է, որ փոքրիկ Ամերիկան կուռի է դուրս եկել մեծ Անգլիայի դէմ՝ իր ազատութիւնը եւ անկախութիւնը պաշտպանելու համար: Ճիշդ է, այս կուռի վախճանը դեռ եւս յայտնի չէ յրայց փաստն ըստ ինքեան բաւական էր նրա առջեւ որոշ հեռանկարներ բաց անելու:

Այս ամէնից յետոյ ինչո՛ւ ուրեմն հայ ազգն էլ չպիտի կարողանայ իր ազատութիւնը ձեռք բերել, եթէ ցանկութիւն ունենայ: Դա ոչ անկարելի է, ոչ էլ դժուար բան է: «Անհարին եւ շատ դժուար բան չի մի ամբողջ ազգի համար՝ բռնաւորներից ազատութիւն ձեռք բերել եւ իր երկիրը նրանցից ազատել» (139) — դրում է նա:

Բայց հայ ժողովուրդն իր փրկութեան համար մի ուրիշ անկիւր էլ ունի. հարկաւոր է, որ նա գիտակցի իր պարտականութիւնը եւ կատարի: Իսկ դրանից հեշտ բան չկայ, եթէ մարդ մի կողմ թողնի ծուլութիւնը, որովհետեւ պարտականութեան կատարումը «ոչ կրօնին է ընդդէմ, ոչ անձի վայելչութեան է անպատշաճ, ոչ աների շինութիւնների աւերումն է նա, ոչ էլ ոսկու, արծաթի եւ ունեցուածքի ծախս է պահանջում» (28):

1) Լէօ՝ «Հայկ. Տպագր.» Բ.

2) Բռնաւոր բառը գործ է ածում սովորական տիրոջի իմաստով: